

Skýrsla stjórnar Sjúkrasjóðs BHM 2017-2018

Stofnfundur sjóðsins var haldinn 1. apríl 1999 og er sjóðurinn því orðinn 19 ára gamall. Sjóðfélagar í Sjúkrasjóði BHM eru alls 3.540 í 23 aðildarfélögum innan BHM og starfa á almennum vinnumarkaði.

Stjórn og embætti

Stjórn var kosin á fulltrúaráðsfundi í apríl 2016 til tveggja ára og er skipuð þannig:

- Marianna H. Helgadóttir (FÍN) var kosin formaður sjóðsins,
- Andri Valur Ívarsson (SL) varaformaður
- Hjálmar Kjartansson (KVH) meðstjórnandi.

Varamaður:

- Björn Th Árnason (FÍH)

Stjórn BHM tilnefndi jafnframt tvo stjórnarmenn til sama tíma en það eru:

- Hrund Þrándardóttir (SÍ)
- Guðbjörg Þorvarðardóttir (DÍ)

Einnig voru kjörnir tveir skoðunarmenn reikninga til tveggja ára:

- Gísli Jónsson (DÍ)
- Sigurður Einarsson (SHMN)

Varamenn:

- Gunnar Gunnarsson (KVH)
- Halldór K. Valdimarsson (FG)

Stjórnin skipti síðan með sér verkum og var Hjálmar Kjartansson kosinn gjaldkeri og Hrund Þrándardóttir ritari.

Starfsemin

Stjórnin hélt 14 stjórnarfundum á starfsárinu. Meðal verkefna stjórnar er að meta umsóknir, endurskoða úthlutunarreglur, að hafa eftirlit með greiðslu iðgjalda og sjá um ávöxtun sjóðsins.

Ársfundur sjóðsins var haldinn í apríl 2017 og fulltrúaráðsfundur í desember 2016 voru kynntar breytingar á úthlutunarreglum sjóðsins vegna ársins 2018.

Öll umsýsla Sjúkrasjóðsins er í höndum skrifstofu BHM. Almenna afgreiðslu umsókna og styrkja annast Helgi Dan Stefánsson. Erna Guðmundsdóttir framkvæmdastjóri BHM og Gissur Kolbeinsson fjármálastjóri bandalagsins annast fjármál sjóðsins.

Sjúkrasjóður er með þjónustusamning við BHM. Hann felur það í sér að greidd er föst upphæð árlega til bandalagsins, bundin vísitölu, nú kr. 1.522.280 kr. ásamt því að greiddar voru 1.384 kr. fyrir hverja umsókn sem barst sjóðnum árið 2017. Fyrir hvern reiknaðan dagpeningamánuð er greidd hálf sú upphæð.

Iðgjöld

Sjóðfélögum hefur fjölgað frá síðasta ári, þeir voru 3.540 um síðustu áramót en 3.100 um þar síðustu áramót.

Iðgjöld í sjóðinn hafa því aukist og voru árið 2017 alls 239,3 m.kr. á móti 200,2 m.kr. árið 2016.

Umsóknir og úthlutanir

Umsóknum um styrki úr sjóðnum hefur fækkað á milli ára en árið 2017 voru afgreiddar 3.796 umsóknir á móti 3.845 umsóknum árið 2016.

Heildarfjárhæð styrkja og sjúkradagpeninga námu alls 216,7 milljónum króna samanborið við 207,5 milljóna árið 2016.

Fjöldi umsókna um sjúkradagpeninga fór úr 233 (2016) greiddum umsóknum í 346 (2017). Greiddar voru samtals 71 m.kr. árið 2016 sem jókst í rúmlega 107 m.kr. árið 2017.

Hæstu styrkirnir voru heilsuræktarstyrkir sem fóru úr 36,8 m.kr. (2016) í 29,9 m.kr. árið 2017, þar á eftir er meðferð á líkama og sál sem fór úr 32,1 m.kr. (2016) í 24,2 m.kr. árið 2017 og þriðji hæsti styrkurinn er fæðingarstyrkur sem fór úr 29,9 m.kr. (2016) í 23,3 m.kr. árið 2017.

Hér fyrir neðan er listi yfir greidda sjúkradagpeninga og styrki árið 2017 í samanburði við árið 2016:

| STYRKUR | 2017 | 2016 |
|---|------------------------|------------------------|
| Sjúkradagpeningar | 107,160,246 kr. | 71,898,416 kr. |
| Forvarnir - Krabbameinsskoðun/áhættumat | 2,990,596 kr. | 3,155,506 kr. |
| Heilsuræktarstyrkur | 29,980,732 kr. | 36,845,698 kr. |
| Meðferð á líkama og sál | 24,234,752 kr. | 32,123,619 kr. |
| Fæðingastyrkur | 23,340,000 kr. | 29,875,000 kr. |
| Gleraugnastyrkur | 8,756,642 kr. | 9,776,157 kr. |
| Heyrnartækjastyrkur | 435,000 kr. | 1,150,281 kr. |
| Laser | 2,858,620 kr. | 3,840,000 kr. |
| Tannviðgerðir | 13,819,260 kr. | 14,776,926 kr. |
| Meðferð á glasafrjógungardeild | 2,888,798 kr. | 2,303,510 kr. |
| Dvöl á heilsustofnun | - kr. | 580,000 kr. |
| Ferðastyrkur v. Ættleiðingar | - kr. | - kr. |
| Starfstengt áfall/óvænt starfslok | 245,100 kr. | 309,699 kr. |
| Útfararstyrkur | - kr. | - kr. |
| Annar heilbrigðiskostnaður | - kr. | 750,000 kr. |
| Aðrir styrkir | - kr. | 91,146 kr. |
| SAMTALS | 216,709,746 kr. | 207,478,958 kr. |

Tryggingastærðfræðingur sjóðsins metur það svo í skýrslu sinni í mars 2018 að sjóðurinn eigi vel fyrir áföllnum skuldbindingum, en mælir með því að dregið verði nokkuð úr greiðslu annarra styrkja og stefnt að styrkingu eigin fjár sjóðsins. Að öðru leyti er vísað til þeirrar skýrslu um tryggingafræðilega stöðu sjóðsins.

Fjárfestingarstefna og ávöxtun sjóðsins

Fjármunir sjóðsins eru að mestu ávaxtaðir hjá Íslandsbanka. Stærstur hluti er ávaxtaður í innlendum skuldabréfum og innlánnum eða að lágmarki 90%. Heimilt er að vera með allt að 10% í innlendum hlutabréfum. Nafnávöxtun eignasafnsins á árinu 2017 var 5,34%. En samkvæmt útreikningum tryggingastærðfræðingsins var nettó raunávöxtun sjóðsins á árinu 2017 -2,1%.

Fjárfestingarstefnu sjóðsins var síðast breytt á fulltrúaráðsfundi í apríl 2013.

Rekstur og staða sjóðsins

Tekjur umfram gjöld eftir fjármunatekjur og -gjöld voru 8,1 (hagnaður) samanborið við tæpt 18.3 m.kr. tap árið 2016. Framlög til sjóðsins á milli áranna 2016 og 2017 hafa hækkað mikið eða úr 200,2 milljónum í 239,2 milljónir. Sveiflur eru töluverðar í sjúkradagpeningum milli ára og þess má geta að sjúkradagpeningar voru töluvert hærri árið 2017 eða 107,2 m.kr. úr 71,9 mkr. árið 2016. Aðrir styrkir drógust saman úr 105,7 m.kr. í 86,3 m.kr. Eigið fé sjóðsins nam 94,1 milljónum um síðustu áramót samanborið við 86,0 milljónir árið á undan.

Úthlutunarreglur

Stjórn sjóðsins endurskoðar úthlutunarreglur árlega. Er það gert til þess að koma á móts við óskir og þarfir sjóðfélaga að einhverju leyti, en hafa verður í huga að tryggingastærðfræðingur sjóðsins hefur ráðlagt sjóðsstjórn að styrkja eigið fé sjóðsins og hefur sjóðsstjórn stefnt að því.

Breytingar á úthlutunarreglum Sjúkrasjóðs BHM voru kynntar á fulltrúaráðsfundi Sjúkrasjóðs BHM í desember sl. og voru gerðar orðalagsbreytingar á reglunum og hámarksbætur hækkaðar.

Önnur mál

Persónuvernd

Út frá persónuverndarlögum þá ræddi stjórnin um það í upphafi starfsársins hvernig megi tryggja að stjórnin vissi nógu mikið um viðkomandi umsækjendur án þess að þurfa að vita meira en nauðsyn ber. Stjórnin taldi mikilvægt að skoða þetta betur samhliða endurskoðun BHM á meðferð persónugreinanlegra gagna sem BHM er að sýsla með og endurskoða síðan hvaða gögn stjórn sjóðsins á að geta haft aðgang að og hvort stjórn félagsins þyrfti ekki að ganga frá undirskrift þagnareiðs. Einnig ræddi stjórnin hvernig fundargerðir eigi að vera úr garði gerðar, þær þurfa að segja nógu mikið um ákvörðunartöku í máli viðkomandi sjóðfélaga án þess að vera hægt að hægt sé að rekja þær upplýsingar til sjóðfélaga.

Fundargögn og fundargerðir

Stjórn sjóðsins ákvað að á næsta starfsári, eftir fulltrúarráðsfund, yrðu allar fundargerðir undirritaðar, hvort sem það yrði gert rafrænt eða með hefðbundnum hætti. Jafnframt hefur

stjórn sjóðsins tekið í gagnið rafræna gátt, *Share Point*, og þar eru öll skjöl funda vistuð og stjórnarmenn hafa aðgang að gáttinni.

Helstu erindi sem hafa borist sjóðnum

Mörg erindi berast sjóðsstjórn og stjórn sjóðsins fjallar um þau eins og þurfa þykir. Rétt er nefna sérstaklega þrjú erindi sem bárust sjóðnum á árinu.

- Erindi frá Félagi listmeðferðarfræðinga
 - Listmeðferðarfræðingar eru félagar í BHM og eru með háskólamenntun. Þrátt fyrir mikið erfiði þá hefur þeim ekki tekist að fá það viðurkennt að vera heilbrigðisstarfsmenn samkvæmt lögum. Vegna þessa óskuðu listmeðferðarfræðingar eftir undanþágu frá ákvæði úthlutunarregla sjóðsins vegna meðferðar á líkama og sál um að viðkomandi meðferðaraðili þurfi að hafa starfsleyfi frá Embætti landlæknis. Ákveðið var að hafna þessu erindi.
- Kjarafélagi viðskipta- og hagfræðinga (KVH)
 - KVH óskaði eftir því að stjórn sjóðsins myndi skoða þann möguleika að félagsmenn, sem væru að koma inn til stéttarfélaga BHM og væru í öðrum sjúkrasjóðum, gætu strax við upphaf aðildar öðlast réttindi í Sjúkrasjóði BHM gegn greiðslu gjalds. Ákveðið var að breyta úthlutunarreglum sjóðsins þannig að frá og með 1. maí nk. er stéttarfélögum heimilt að greiða eingreiðslu, sem væri ígildi iðgjalds til sjóðsins af þeim heildarlaunum sem viðkomandi var með síðustu 6 mánuðina áður en hann myndi hefja greiðslu inn í sjóðinn. Þannig myndu félagsmenn í öðrum sjóðum sem flytjast yfir með aðstoð stéttarfélags öðlast 6 mánaða veikindarétt um leið og þeir færast yfir til SBHM.
- Samtökum atvinnulífsins (SA)
 - SA óskaði eftir því að sjóðurinn skoðaði þann möguleika að byggja upp eins konar tryggingasjóð fyrir minni fyrirtæki sem gætu þannig tryggt sig hjá sjóðnum fyrir þeim veikindarétti sem kveðið er á um í kjarasamningi. Þá myndi sá sjóður standa straum af veikindadögum starfsmanna hjá viðkomandi fyrirtæki umfram ákveðið lágmark sem vinnuveitandi bæri kostnað vegna. Ákveðið var að hafna þessu erindi.

Lokaorð

Sjóðurinn hefur stækkað ört undanfarin ár, tekjur hafa aukist og útgjöld samhliða. Einnig má almennt búast við því að sveiflur séu í greiðslum sjúkradagpeninga af sjúkrasjóði af þessari stærð. Stjórn tekur ákvarðanir sem miða að því að halda sjóðnum í jafnvægi og reynir að horfa til þess að auka sjóðssöfnun.

Marianna H. Helgadóttir, formaður SBHM